



Na osnovu Zaključka o usvajanju Programa utroška budžetskih sredstava u 2023. godini (Subvencije privatnim poduzećima i poduzetnicima), broj: 02-11-5917/23 od 11.04.2023. godine, a u skladu sa Zakonom o poticanju razvoja male privrede („Službene novine Zeničko-dobojskog kantona“, broj: 7/16 i 7/20) i članovima 12. i 13. Uredbe o uvjetima i postupku za dodjelu pomoći male vrijednosti – de minimis pomoć („Službene novine Federacije Bosne i Hercegovine“, broj: 27/18), Ministarstvo za privredu/gospodarstvo, raspisuje:

JAVNI POZIV
za prikupljanje zahtjeva za odobravanje i dodjelu (refundiranje)
financijskih sredstava namijenjenih podršci razvoja ženskog poduzetništva

1. Pozivaju se pravna i fizička lica (u daljem tekstu: privredni subjekti) koja su u većinskom (minimalno 51%) privatnom vlasništvu žena državljanke Bosne i Hercegovine, da podnesu Zahtjev za odobravanje i dodjelu financijskih sredstava namijenjenih refundaciji dijela sredstava administrativnih troškova izgradnje objekata, dijela troškova kupovine osnovnih sredstava i obavljanja djelatnosti.
Pod investicijom, u duhu ovog poticaja, podrazumijevaju se utrošci nastali zbog tokom izgradnje i unutrašnjeg uređenja objekata, kupovine mašina i opreme (osnovnih sredstava) uredno evidentirani nakon 01.01.2023. godine.
2. Pravo na dodjelu sredstava iz točke 1. ovog Javnog poziva, imaju privredni subjekti koji:
 - a) trajno obavljaju zakonom dozvoljene djelatnosti kao osnovnu djelatnost radi ostvarivanja dohodka odnosno dobiti na način kako je propisano Zakonom o poticanju razvoja male privrede,
 - b) sa sjedištem na području Zeničko-dobojskog kantona,
 - c) koji su u većinskom (minimalno 51%) privatnom vlasništvu žena državljanke Bosne i Hercegovine,
 - d) koji su registrirani najmanje 6 mjeseci do dana objave ovog Javnog poziva,
 - e) obavljaju djelatnost unutar sljedećih područja:
 - Djelatnosti iz područja C Prerađivačka industrija;
 - Iz područja M Stručne, naučne i tehničke djelatnosti šifre djelatnosti 74.10. i 74.20,
 - Iz područja S Ostale uslužne djelatnosti šifre djelatnosti od 95.11 do 95.29 i od 96.01 do 96.09.
 - f) koji do datuma podnošenja prijave za istu namjenu nisu koristila bespovratna sredstva iz drugih izvora (sredstva nivoa vlasti, donatorska sredstva i sl.).
3. Pravo na dodjelu sredstava ne mogu ostvariti privredni subjekti koji:
 - a) nemaju sjedište na području ZDK;
 - b) su u postupku predstečajne nagodbe ili likvidacije (odnosi se samo na privredne subjekte pravna lica);
 - c) nisu ispunili obaveze vezane uz plaćanja dospjelih poreznih obaveza i obaveza za penziono/mirovinsko i zdravstveno osiguranje u skladu sa zakonskim odredbama. Privredni subjekti koji imaju sklopljen ugovor sa poreskim organima u Bosni i Hercegovini o servisiranju duga neće biti uzeti u razmatranje;
 - d) su osuđeni ili se vodi postupak po osnovu privrednog kriminala;

- e) obavljaju sljedeće djelatnosti: proizvodnja oružja i vojne opreme, proizvodnja duhanskih proizvoda i alkoholnih pića, primarnu poljoprivredu izuzev prerađivačke djelatnosti, kasina i igara na sreću.

4. Privredni subjekt može koristiti najviše jednu vrstu poticaja Ministarstva za privredu u tekućoj budžetskoj godini.

Privrednim subjektima će se nakon uredne prijave i procedure odlučivanja odobriti sredstva u jednokratnom iznosu i to za subvencioniranje i refundaciju troškova :

- nabavke mašina, postrojenja, alata i opreme (osim mobilijara), nabavku tehnike (osim laptopa);
- unutrašnjeg uređenja poslovnog prostora u cilju prilagođavanja novim poslovima;
- ulaganja u razvoj i nabavku novih tehnologija;
- ulaganja u povećanje postojećih proizvodnih kapaciteta i usluga.

5. Sredstva za subvencioniranje i refundaciju troškova iz točke 1. ovog Javnog poziva osigurana su Budžetom Zeničko-dobojskog kantona i planirana Programom utroška sredstava u Ministarstvu za privredu, za tekuću godinu, u kojoj se vrši dodjela poticaja, te odgovarajućom odlukom za svakog privrednog subjekta pojedinačno.

Ukupni iznos sredstava koja će se odobriti korisniku ovog poticaja po osnovu iz točke 2. uvećavaju se:

- Korisnicima poticaja mlađim od 35 godina, računajući na dan podnošenja zahtjeva, ukupan iznos poticajnih sredstava se uvećava 20%.
- Ukoliko je vlasnik obrta invalidno lice, ukupan iznos poticajnih sredstava se uvećava 20%.

Sredstva koja će se odobriti korisniku ovog poticaja uvećavaju se samo po jednom od navedenih osnova.

Ukupni iznos sredstava koja se mogu odobriti i isplatiti korisniku ovog poticaja je maksimalno do **15.000,00 KM**. Sredstva su u ovom iznosu ograničena na navedeni maksimalni iznos po više osnova:

- po jednom subjektu – korisniku,
- po više objekata (izdvojenih prostora) registriranih po Zakonu o obrtu i srodnim djelatnostima.

6. Neprihvatljivi troškovi:

- kupovina zemljišta,
- kupovina stana/kuće,
- vanjski građevinski radovi i nabavka,
- kupovina i najam svih vrsta osobnih vozila,
- troškovi režija i redovnih komunalnih usluga,
- troškovi repromaterijala, opreme, usluga i radova koje isporučuju ili obavljaju partnerski i subjekti povezani sa podnositeljem zahtjeva.

7. Prijava treba da sadrži sljedeće dokumente i priloge:

- Zahtjev sa obavezno navedenim nazivom privrednog subjekta, kontakt telefonom i imenom i prezimenom zaposlenika/vlasnika na kojeg se odnosi refundacija troškova,
- Uvjerenje o državljanstvu vlasnika privrednog subjekta (minimalno 51% vlasništvo žena državljanke BiH) – original ili ovjerena kopija ne starije od 90 dana u odnosu na dan podnošenja zahtjeva,
- Original ili ovjerenu kopiju Rješenja o registraciji privrednog subjekta (za pravna lica to je Rješenje iz sudskog registra, a za fizička lica to je Rješenje kojim se odobrava rad fizičkom licu izdato od strane nadležnog općinskog/gradskog organa),

- Uvjerenje Komercijalne banke da je žiro račun subjekta aktivan, ne starije od 90 dana u odnosu na dan podnošenja zahtjeva
- Original ili ovjerenu kopiju uvjerenja o uredno izmirenim javnim prihodima (porezi, doprinosi, indirektni porezi) – ne starija od 30 (trideset) dana računajući od dana objave ovog Javnog poziva (ukoliko je obveznik po Zakonu o porezu na dodanu vrijednost u sistemu, ukoliko nije PDV obveznik, dostaviti Izjavu da nije u sistemu PDV-a, ovjerenu od strane nadležnog upravnog organa)
- Izjava o neosuđivanosti i nevođenju postupka po osnovu privrednog kriminala ovjerena od strane nadležnog organa,
- Izjava privrednog subjekta pravnog lica da nije u postupku predstečajne nagodbe ili likvidacije ovjerena od strane nadležnog organa,
- Potpisanu i ovjerenu Izjavu o ranije primljenim državnim pomoćima DE MINIMIS, koje su podnosiocu zahtjeva dodijeljene u tekućoj i prethodne dvije fiskalne godine u skladu sa Zakonom o sistemu državne pomoći u BiH ("Službeni glasnik BiH", broj:10/12 i 39/20) i Uredbom o uslovima i postupku za dodjelu pomoći male vrijednosti – de minimis pomoć („Službene novine Federacije Bosne i Hercegovine“, broj: 27/18). (Obrazac Izjave može se preuzeti sa web stranice Vlade ZDK – www.zdk.ba),
- Obavještenje o razvrstavanju privrednog subjekta prema djelatnosti (FBiH Zavod za statistiku) – obična kopija.
- Original ili ovjerenu kopiju nedvosmislenog dokaza o utrošcima u osnovna sredstva nastalim u toku realizacije investicije nakon 01.01.2023. godine (račun, faktura, izvod iz banke),
- Izjava pod punom materijalnom i krivičnom odgovornosti da kupoprodaja objekata/ opreme i mašina kao osnovnih sredstava za obavljanje obrtničke djelatnosti po ovom Javnom pozivu nije izvršena između povezanih lica i to: isti vlasnik i/ili suvlasnik, vlasništvo i/ili suvlasništvo bračnog druga i/ili lica koja žive u istom domaćinstvu ili imaju međusobno povezane ili zajedničke investicije, ovjerena od strane nadležnog organa,
- Izjava da do datuma podnošenja prijave nije koristio za istu namjenu bespovratna sredstva iz drugih izvora (sredstva nivoa vlasti, donatorska sredstva i sl.) – *potpisana i ovjerena od strane nadležnih organa (notar ili općina/gradska uprava)*,
- Ukoliko osoba koja podnosi prijavu ima status invalidne osobe, potrebno je dostaviti rješenje o invalidnosti, ili rješenje o radnoj sposobnosti ili neki drugi dokument u kojem je identificiran invaliditet – original ili ovjerena kopija.

8. Zahtjev koji ne sadrži svu dokumentaciju traženu Javnim pozivom, koji nije pravovremen odbacuje se zbog neispunjavanja formalno-pravnih uvjeta, bez obaveze daljnjeg razmatranja.

9. Ministarstvo za privredu/gospodarstvo zadržava pravo provjere svih podataka navedenih u dostavljenoj dokumentaciji privrednog subjekta.

10. Ministarstvo za privredu/gospodarstvo će sa podacima iz zaprimljene dokumentacije postupati u skladu sa propisima o zaštiti ličnih podataka.

11. Po uredno prispjelim Zahtjevima, Komisija na osnovu kriterija naznačenih u Javnom pozivu vrši ocjenjivanje prijava. Komisija sačinjava listu podnosilaca prijava koji nisu uvršteni na listu potencijalnih korisnika sa navođenjem razloga neuvrštanja, koju Ministarstvo objavljuje na web stranici Kantona. Privredni subjekt, u cilju zaštite svojih prava, može uložiti prigovor Ministarstvu u roku od osam(8) dana od dana objave navedene liste na web stranici Kantona. Nakon postupanja po svim prigovorima, Ministarstvo utvrđuje prijedlog odluke o izboru korisnika poticajnih sredstava sa iznosom sredstava, a odluku na prijedlog Ministarstva donosi Vlada. Odluka se objavljuje na web stranici Kantona.

12. Vlada Kantona može opozvati donesene odluke zavisno od dinamike priliva budžetskih sredstava.
13. Na osnovu Odluke za odobravanje i dodjelu finansijskih sredstava namjenjenih podršci razvoja ženskog poduzetništva, Ministarstvo za privredu/gospodarstvo će Ministarstvu financija podnijeti nalog za isplatu sredstava poticaja.
14. U postupku po Javnom pozivu Ministarstvo ne snosi nikakve troškove učesnika Javnog poziva. Ministarstvo ne snosi odgovornost prema učesnicima Javnog poziva, u pogledu aktivnosti koje su poduzeli u cilju apliciranja za određeni poticaj.

Dostavljena dokumentacija se ne vraća privrednom subjektu.

15. Javni poziv ostaje otvoren 20 dana a krajnji rok za dostavljanje zahtjeva je 03.07.2023. godine.

Zahtjeve sa priložima, privredni subjekti moraju dostavljati u zatvorenoj koverti.

Na poleđini koverta obavezno navesti:

- naziv subjekta;
- adresu i kontakt telefon;
- ovjeriti pečatom.

Zatvorene koverta dostavljaju se lično na Protokol Zeničko-dobojskog kantona ili putem pošte na sljedeću

adresu: ZENIČKO-DOBOJSKI KANTON, Ministarstvo za privredu, KOMISIJA ZA OCJENU ZAHTJEVA ZA ODOBRAVANJE I DODJELU POTICAJA PODRŠKE ŽENSKOG PODUZETNIŠTVA, Kučukovići br. 2, Zenica, 72 000, S naznakom: "NE OTVARATI".

Prijave dostavljene drugim putem (npr. putem faksa ili e-mail), neće biti uzete u razmatranje.